

Gvaq Ciet Hoengh Gyo'mbaiq Aendangj

过佳节 感恩党

Liggaeuq ngux nyied ngeihgouj dwg Cietdaznuj Yauzcuz. Cietdaznuj youh heuhguh Cietcuzcu, dwg aen bi' moq Yauzcuz. Mboengqneix, beixnuengx Yauzcuz laeng Gvangjsih gak dieg cungj foenfoen guh gak cungj hozdung bae gvaq aen ciet hoengh neix, caemhcaiq gyo'mbaiq aendangj dazyinx vunzlai ngoenz beij ngoenz gvaq ndaej ndei.

Sanglinz Laiyiengh Minzsug Haenh Aendangj
上林多彩民俗来颂党

7 nyied 8 hauh, Sanglinz Mbanjyauz Cinhih youq Baizhungz Cunh Mbanjbaizbah guh baenz buek hozdung gvaq Cietdaznuj dem hoh aendangj laebbaenz 100 hopbi. Beixnuengx Yauzcuz ndang daenj buhvaq minzcuz youq bakmbanj ndaek gyong、eu fwen、diuq foux Yauzcuz, baij laeuj baij gijwn feih simhoengz ma daihhek. Yienhciengz miz gangj gojgaeq hoengz、ciengq diuzgo 《Mbanjyauz Eu Fwen Haenh Aendangj》、langhbaij “hwnj byacax” “roengz haijfeiz”

daengj minzsug, yinx ndaej haujlai hekyouz daeuj guhcaemz、daeji-niemh yienghndei Yauzcuz. Gak minzcuz vunzlai diegde caemh itheij gvaq aen ciet hoengh Yauzcuz neix, gyoengqvunz doxgiet lumj ranz caen ndeu. Baezlaeng aen yangh neix yaek guhlaeg guhsaen gij cingsaenz gangjvah “7.1” Siz Ginbingz cungjsuhgi, laebdaeb doidoengh sonhag lizsij aendang haeuj gihcwngz, hwnghat canjnieb moq, caenhrengz guh-hoengh lajmbanj.

(Veiz Sezyenz / 韦雪妍)



▲Sanglinz aen yienhciengz hozdung.



▲Gyoengqvunz sim' angq bae gvaq ciet.

Gak Cuz Beixnuengx Ring Fwngz Lwnh Doxgiet
各族群众携手话团结

7 nyied 10 hauh, Bingzgoj Si Haijcwngz Yangh guh aen Cietdaznuj Yauzcuz, gak minzcuz vunzlai doxcomz youq giz ndeu, caez sim' angq gvaq ciet. Yienhciengz geiz laisak mbinyag、sing gyong sing laz goksak, dauqsawq cungj nauhyied raeuh. Cezmuz miz foux saeceij、eu fwen Yauzcuz、diuq foux faexsaux、foux muh haeux、doxdax bengcag

daengj. Danz Cifungh boux dangjehsuh Mbanjsinhminz riu naeuz: “Hozdung neix mboujdan hawj gak cuz beixnuengx yawj-raen gij vwnzva caeuq yienghndei Yauzcuz, langhbaij le gij cingsaenz ndei vunzmbanj, lij hawj gak minzcuz vunzlai engq doxhuz doxndei, dou roxnynih gig vuenyungz.”

(Cinz Yenvaz / 陈燕华)

Dunghlanz Eu Fwen Diuq Foux Cux Ciet Hoengh
东兰载歌载舞迎佳节

7 nyied 8 hauh, vunmbanj Dunghlanz Yen Sanhnung Yauzcuz Yangh cungj dawz gyaeggaeq hoengz caeuq laeuj haeux, ndwn youq bakdou Mbanjyauz Nungningz eu fwen、roq nyenz coux bouxhek. Gvaq ciet ne beixnuengx Yauzcuz aeu caeq cojgoeng gonq, doeklaeng cij eu fwen、gwn Laeujdaizraez Yauzcuz daengj. Gyoengqde lij cingj le doenghgij biujyienjdoh Duh' anh Yen、Dadungz Yangh、Cangzloz Cin daengj caez

biujyienj gij cezmuz gig miz daegsaek minzcuz, lumjbaenz 《Cien Bi Golauz Yauzcuz》《Fouxcouxhek》. Bouxhek lij ndaej caenndang siuq man、ndaek nyenz、dwk gyangq、nyingz naq daengj. Gyawj geij bi neix, Dunghlanz Yen gaenxmaenx hawj daegsaek vwnzva caeuq lajmbanj guh lijyouz doxyungz, dazyinx vunzmbanj byaij coh ndwenngoenz engq ndei haenx.

(Loz Youjswb Veiz Yilaiz / 罗有思 韦玉来)



▲Vunzmbanj diuq foux coux hek.

Youq Laj Goreiz Lwnh Lizsij Aendangj
榕树下讲党史

Mboengqneix, laj goreiz hung laeng gyauejmbanj Bwzswz Si Yougyangh Gih Swdangz Cin Mbanjyeynaz miz sing riu、sing bekfwngz cienz okdaeuj. Neix dwg buek hozdung “youq laj goreiz gyauejmbanj lwnh lizsij aendangj” caeuq “gou caeuq vunzlai guh saedsaeh” camh daih'it, neix youz Yougyangh Gihvej Senhconzbu、Siuhfangz Daihdoh daengj lai aen danhvei doxcaez

banh. Yougyangh Gih leihyung doenghgij bingzdaiz “youq laj goreiz gyauejmbanj hwnj dangzgoq aendangj” “son' gyaug gyaezguek cuji” hawj vunzlai lwnhgangj, doidoengh hozdung saedguh vwnzmingz seizdaih moq, hawj son' gyaug lizsij aendangj engq ciep diegheiq, haeuj simvunz.

(Lanz Gingganj Veiz Cungzminj Yangz Siugenh / 蓝庆侃 韦崇敏 杨秀坚)



▲Vunzlai youq laj goreiz hwnj dangzgoq aendangj.